



Nunatsinni sulisinnaasut tamarmik atorneqalernissaat anguniarlugu, minnerunngitsumillu kalaallinik atorfilinnik qaffakkiartortitsinissamik anguniaqartumik, atorfilinnik pikkorissaasanerup kalaallinut iluaqutaanerusequmik aaqqissuunneqarnissaanik oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

Demokraatit tunngaviatigut siunnersuuteqartoq isumaqatigaat, sulisinnaasut piginnaasaat qaffassartariaqarneri sulisoqarnikkut piginaasat eqqortut taamasillutik suliassanut naleqquttumut inissinneqarsinnaanerusequmut.

Naalakkersuisoq akissuteqaatimini ajunngivissumik erseqqissarpaa, pineqartumut suliniutit annertuut maannakkut ingerlanneqareersut, tamannalu naamagisimaarparput.

Kisiannili siunnersuuteqartup nunatsinni inuiaqatigiinni assigiinngissuseq avissaarsimanermillu ersersitsiniaaqqinnera iluarinngilluinnarparput. Siunnersuuteqartoq oqariartuutigaa, ullumikkut avataaniit suliartortitat nunaqavissut sulisui pilliutigalugit pikkorissarnerit piginnaanngorsarnerillu pisartut. Demokraatinit siunnersuuteqartoq piumaffigissavarput oqariartuutini uppersaqqullugu.

Uppersaateqanngitsunik oqariartuuteqartarnej inuiaqatigiinni avissaartuutitsisartuq siunnersuuteqartup angalassimaarfigisariaqarpaa.

Demokraatinit naqissuserusupparput, pingaaruteqarluinnarmat nunatsinni sulisinnaasortagut tamarmik pikkorissarnej piginnaanngorsarnerillu ingerlattariaqaraat suliartik pitsaanerpaamik tunniussaqaarfigiumallugit. Suliartortitat nunaqavissullu sulisuisa akornanni avissaarsimanerannut annertunerulersitsinnaasumut uagut suleqataaniangilagut.

Taamaammatt oqaaseqaatissatut siunnersuummut akuersaarluta taasianiangilagut.